

## पाठ ६८

1. येशुहन क्रूसम टङ्गैनासे आघ मनैहुँक्र उहाँहन का कर्ल ?
  - हुँक्रहिन उहाँक मजा उडैल ।
  - हुँक्रहिन उहाँहन पिट्ल ओ मुहम थुक्ल ।
  - हुँक्रहिन उहाँहन काँटक श्रीपेच लगादेल ।
  
2. काँटक मुकुट क्याकर प्रतीक हो ?
  - काँटक मुकुट परमेश्वरक श्राप जनैठा ।
  
3. जब सिपाहीहुँक्र येशुक मुन्टाकउपर काँटक श्रीपेच पहिरादेल दोस क्याकर चिन्ह देहल ?
  - यही कि येशु परमेश्वरक सराप ब्वाकल रलह ।
  
4. काजे उहाँ चारोओहँर तीन घण्टासम अन्धार हुइल ?
  - तीन घण्टक अन्धार एक चिन्ह हो ।
  
5. सारा देशम फैलल तीन घण्टाक अन्धार का बातक चिन्ह हो ?
  - पिता परमेश्वर येशुहन क्रूसम उहाँक प्राण खिँचत रलह ।

6. पिता परमेश्वर काजे येशुक प्राण खिँचल रलह ?

- पिता परमेश्वर येशुहन टुन्हक म्वार ओ सक्कु मनैहँकनक पापक खातिर सजाय देहठ रलह ।
- काजेकि पिता परमेश्वर येशुहन हमार पापक खातिर सजाय देहठ रलह उहमारसे उहाँ क्रुसमा येशुक प्राण खिँचत रलह ।

- येशु तीन रात ओ तीन दिन भाँटल रलह ।
- तीन दिन ओ तीन रात ओरागैल ओ कालबेहान येशुहन उद्धारकर्ता परमेश्वर कैक विश्वास कर्ना केहु जन्नीमनैहँक्र ऊ माटी देहलक गैल ।

मर्कूस १६:१ पढी

सबाथ दिन बितल त मगदालक मरियम याकुबक डाइ ओ सलोमी येशुक शरीरम डारक लाग वास अइना चिज किन्ल ।

1. यी जन्नीमनैहँक्र येशुक चिहानम काजे गैल रलह ?

- यी जन्नीमनैहूँक्र येशुक मृत शरीरम वास अइना मसलाहूँक्र लगैना चहठ ।
- मुअल शरीरम भटनासे पहिल मसला लगैना यहुदी हुकनक चलन रहलिन ।
- काजेकि येशु हतारमा भँटल रलह उहमारसे जन्नीमनैहूँक्र उहाँम मुवल शरीरम मसला लगैना समय पाइल नि रलह ।

2. भँटल ठाउँम आइकसेकपाछ जन्नीमनैहूँक्र का देखल ?

मर्कूस १६:२-४ पढी

अट्वारक दिन दिन उट्टीकि हूँक्र गन्या रहल ठाउँम जाइझहल । डग्रीम हूँक्र अप्न अप्न बट्वाइटलह गन्यक मोहटमसे पत्था के उस्तादे । तर हूँक्र पुगिटिकि गन्या हेर्ल त पत्था उस्ताइल देखल । उ पत्था बराभारी रह ।

3. चिहानक मोहटमसे रहलक द्वाका के खवालल रलह ?

- चिहानक द्वाका खवालक लाग परमेश्वर एकजना स्वर्गदूतहन पठाइल रलह ।

4. जब उ जन्नीहूँक्र चिहानम पैसल तब हूँक्र का देखल ?

मर्कूस १६:५ पढी

हूँक्र गन्यम पैठल त उज्जर झुल्वा घालल एकठो ज्वान मनैयह आपन दाहिन पाँजर बैठल देखक झस्कल ।

- भँटलक ठाउँक भितर पैसकपाठ उ जन्नीहुँक एकजना स्वर्गदूतहन देखल ।

5. स्वर्गदूत उ जन्नीमनैहन का कल ?

मर्कूस १६:६ पढी

तब उ मनैया हुँकन कल जिन डराओ टुह क्रसम टङ्गागैल नासरथ शहरक येशुह खाजटो । उहाँ मुवलमसे जीगैल अठे नैहुइट । उहाँह ढरल ठाउँ हेरो ना ।

6. येशुक रेमा स्वर्गदूत का कल ?

- स्वर्गदूतहुँक येशु वहाँ नि हुइट कल ।

7. येशु काजे उहाँ नि रहल ?

- काजेकि येशु मुलहुकनसे बौरि उठल रहल रलह ।
- स्वर्गदूत येशु कहलकजस्त कर्क येशु मुवलहुकनमासे जीटि होक उठल बा कल ।
- स्वर्गदूत येशुहन जन्नीमनैहुँकहिन जाक येशुक संघरियाहुँकहिन येशु मुवलहुँकमासे बौरि उठल बा कैक फे कहल ।

मर्कूस १६:७-८ पढी

आब जाओ ओ उहाँक चलन खास कैक पत्रुसहन जनादेओ येशु टुँहनसे आघ गालीलम जाइट । उहाँ टुँहन पैलहहँ कहलअनुसरा उहाँह टुह उहँ देखबो । तब हुँक डरकमार हड्बडैटी गर्यमसे निकर्क भग्ने कर्ल ।

हुँक़ किहुह कुछु नैकल काकरकि हुँक़ खुब डरारलह ओ कवारलह ।

- उ जन्नीमनैहुँक़ अत्रा डराहलक कि हुँक़ पहिल त चेलानहुँक़हिसेफे कुछु फे कह नि सेकल ।
- पाछ मारियम मग्दलिनी नाउँ रहलिन् जन्नी मनैया चेलाहुँक़हिन लाग यी बात कह न्याग्लिन् ।

मर्कस १६:९-१३ पढी

अट्वारक दिन बिहान्नी येशु मुवलमसे जीक सबसे पैल्ह मगदालक मरियमकठे देखपर्ल । उह मरियमह उहाँ चोखैलह । हुँक़हिन सातठो भूत लागरहलन् । येशुक चेलावँ बिलाप कैकै रुइबेर हुँक़न्हकठे जाक मरियम कली । येशु मुवलमसे जीरल मै अपन्हे देख्नु । तर हुँक़ पत्यैबो पत्यैबो नैकर्ल । तब दोस्र यरुशलेमसे गाउँओर जैटीरहल दुइ जनचेलन्हकठे येशु फरक रुपम देखपर्ल । उहओर्से हुँक़ उहाँह चिन्ह नैसेकल । तर पाछ जब हुँक़ येशुह निन्हल तब घुम्क और चलन जनाए गैल तर हुँक़न्हक त फे कुइ नैपत्यैलन् ।

- यद्यपि मरियम मग्दलिनी ओ अउर दुइजन मनैयाहुँक़ येशु मुवलमासे जिक उठल रहलक बात कल तर चेलाहुँक़ पत्यार नि कर्ल ।
- यिहेकारण येशु स्वयम चेलाहुँक़हिनकठे देखापर्ल ।

मर्कूस १६:१४ पढी

अन्तम एघार जन चेलावँ खाना खेटीरलह त येशु हुँकन्हकठे देखापर्ल । येशु हुँकन हप्कैल काकरकि हुँकन्हक विश्वास नैरहलन । येशु मुवलमसे जीउल् देखुइयन्हक बात् हुँक्र जिद्दी कैक नैपत्येतरलह ।

8. येशु चेलाहुँकन काजे हप्कैल ?

- काजेकि चेलाहुँक्र येशु मुवलमासे बोरी उठ्ल कैक पत्यार नि करल रलह ।
- दोसपाछ येशु चेलाहुँकनक लाग एकठो आज्ञा देहल ।

मर्कूस १६:१५ पढी

तब येशु हुँकन कल सारसा संसारम जाओ ओ सबजहन खुशिक खबर प्रचार करो ।

9. येशु आपन चेलाहुँक्रहिन देहल रलह आज्ञा के रह ?

- सारा संसारम जाक सारा सृष्टिहन खुसिक खबर प्रचार करो ।

10. खुसिक खबर के रह ?

- परमेश्वरक वचन ।

11. का परमेश्वर यी आज्ञा केवल उहाँक चेलाहुँक्रहिन केलहक देल हो ?

- नि हो ।
- येशु यी आज्ञा उहाँक चेलाहुँकरन ओ उहाँहन विश्वास कर्ना सककुहिन देलह लरह हो ।
- येशु उहाँहन विश्वास कर्ना सककु मनैहुँकर परमेश्वरक वचन अउर मनैहन सिखाइट चहल बाट ।
- येशु सककु मनैहन माया कर्ठा ओ उहमारसे सककु मनैहुँकरहिनलाग पाप मृत्यु ओ भुत्वानके शक्तिसे बचाइट चहठ ।

यूहन्ना ३:१६ पढी

हो परमेश्वर संसारहन अत्रा धेर माया करल रलह कि उहाँ आपन एककेलहक छावाहन देहल रलह । परमेश्वर आपन छावाहन देहल रलह ताकि उहाँक उपर विश्वास कर्ना केहो फे नाश ना हो तर ऊ अनन्त जीवन पाइ सेकहीं ।

- यिहेकारणले नै हो मै टुँन्हककठेसे आक अब्ब परमेश्वरक वचन कहलबाटु ।
- ताकि टुह नि मुहो ओ अनन्त आगिक तल्लोक सजायम नि परहो ।

12. येशु काजे मुअ पर्लिन् ?

13. का येशु पाप करल रलह ?

14. असिन हो कलसे येशु काजे मुव पर्लिन् त ?

- काजेकि सक्कु मनैहूँक पाप करल बाट ओ हम परमेश्वरक सामुन्ने हमार पापक ज्याला तिर परहीं ।
  - मुनावाहके अउर कौनो उपायले फे पापक ज्याला तिर नि सेकहीं ।
  - तर परमेश्वरक मायाक कारणले कर्क परमेश्वर हम मुव नि चहठ ।
15. हमार पापहूँक मृत्युक सजायमा कसिक परहीं तर फे हम आमिन कसिक जीटि बाटी ?
- उद्धारकर्ता येशु हमार ठाउँम मुवल रलह ।
  - उद्धारकर्ता परमेश्वर येशु मुवलरलह ताकि हम जीटि रह सेक्बी ।
  - यिहे बात चेलाहूँक बुझ स्याकल नि रह ।
  - चेलाहूँक येशु मुजीबी ओ फेर फे हुँकनक उद्धार हुइहीं कैक बुझ स्याकल नि रलह ।
  - चेलाहूँक येशुक मृत्यु केलहक हुँकहिन बचाइना बा कहना बुझ स्याकल नि रलह ।
  - येशुक क्रुसमा हुइलक मृत्यु हमार पापक ज्याला रह ।
  - येशु क्रुसम बहाइलक रकट हमार पापक ज्याला रह ।
16. परमेश्वर काजे हाबिलक बलिदान ग्रहण कर्ल तर कयिनक नि कर्ल ?



- काजेकि हाबिल भेर्वाक रकट अन्ल तर कयिन नि अन्ल ।

17. परमेश्वर काजे मिश्रीहुक्रहन पहिल जन्मलक सक्कुहिन

मुवाइलक रलह तर इसेलीहुकनकचाहि छोर्देल ?

- काजेककि इसेलीहुँक हुकनक घर्वाक द्वाकम बलिदान चढैलक भर्वाक रकट छिटल रलह ।
- येशु परमेश्वरक थुमा हुइट ।
- पिता परमेश्वर येशुहन थुमाहनअस बलिदान देहल रहल ताकि हम्र बच्ची ।
- येशु आपन रह हम्रहिन बचैइक ला ओ हमार पापक ज्याला तिर्ना बहाइल रलह ।
- जब येशु क्रुसम मुवल रलह उहाँ सक्कु बात ओराइल रलह ।

18. येशु सक्कु थोक ओराइल कहलक मतलब का रह ?

19. का येशु उहाँक जीवन ओरागैल कहल रलह हो ?

- नि हो ।

20. असिन हो कलसे येशु क्रुसम सबथोक ओरागैल कहलक अर्थ का हो त ?

- येशु कहलक अर्थ यिहे रहल कि परमेश्वर हम्रहिन बचाइकलाग उहाँहन देहलरहलक जिम्मवारी ओराइल ।

21. पिता परमेश्वर देहलक जिम्मेवारी येशु काजे ओराइल रलह रलह ?

- काजेकि येशुक मृत्यु सक्कु मनैहुँकुनक पापक दण्ड पूर्णरूपलेक चुकैल रहल ।
- काजेकि येशुक रकट सक्कु मनैहुँकुनक पापक दण्ड पुर्णरूपलेक चुकैल रहल ।

22. येशुक सक्कु मनैहुँकुन बचैना काम ओराइल रह कैक हम सकिक जान सेक्बी ?

- काजेकि येशुक बलिदान सक्कु मनै हुकनक लाग सिद्ध बलिदान रह ।
- काजेकि येशुक रकट सक्कु मनैहुकन लाग सिद्ध बलिदान रह ।

23. येशुक सक्कु मनैहुँक्रहिनलाग बचैना काम ओराइल रहलिन् कैक हम सकिक जान सेक्बी ?

- काजेकि पिता परमेश्वर येशुहन मुवलहुकनकमासे जीटि पारल रलह ।
- यदि येशुक सक्कु मनैहुँक्रहिन लाग बचैना काम ओराइल नि रहलिन कलसे पिता परमेश्वर येशुहन मुवल हुकनमासे फेर जिटि पार हुइना नि रलह ।

- यदि परमेश्वर येशुहन सिद्ध बलिदानक रूपम नि चढइल रहल कलसे उहाँ येशुहन मुवल हुकनमासे फेर जिटि पार हुइना नि रलह ।
  - यहाँ एकठो उदाहरण बा ।
  - यदि केहो केकर गैया चोरी कर्बी कलसे उहिन एकवर्षसम कैदमा बैस परही ।
  - कैद भुक्तान हो सेकपाछ उ जेलमासे छुट्ठा ।
24. यदि प्रहरीहुँक्र उ मनैयाहन जेलक बाहिर देखही कलसे का हुँक्र फेर उहिन जेलम लैजिहीं ?
- नि लैजिहीं ।
25. काजे नि लैजिहीं ?
- काजेक उ मनैया एक वर्षसम कैद भुक्तान कर स्यकल बा ओ गैया चोर्लक मोल पूरा भुक्तान कर स्याकल बा ।
  - काजेकि येशु सक्कु मनैयाक पापक मोल पूर्ण रूपलेक तिरल रहल ओहरसे परमेश्वर येशुहन मुलकमासे जिटी पारल रलह ।
26. जब येशु मुवल रलह परमेश्वर काजे मन्दिरक पर्दा दुइ फ्याक पर्क चिथल रलह ?

- परमेश्वर मन्दिरक पर्दा दुइ फ्याक पार्क चिथल रलह तकि अब्बसे परमेश्वर ओ मनैनक बीचम कौनो दरार निहुइ ।

27. अब्ब परमेश्वर ओ मनैनक बीचम काजे कौनो दरार नि हो ?

- काजेकि येशु परमेश्वरसे अलग पर्ना मनैहुँकन्हिनक सक्कु पापक ज्याला पूर्ण रूपल तिर स्याकल रलह बाट ।
- चेलाहुँकन्हिन लाग परमेश्वरक वचन सारा सृष्टिमा जाक प्रचार करो कहना आज्ञा देहसेकपाछ येशु स्वर्गमा उचालक लैगिल ।

प्रेरित १:९ पढी

उहाँ यी बात बट्वाक सेकल त हुँक हेटीहेटी उहाँ स्वर्गओहर बढीक उप्पर उठागैलक कार उहाँ हुँकन्हक नजरमसे बिलागैल ।

- धेर वर्ष पहिल परमेश्वर अगमवक्ताहुकनकमार्फत कहल रहलअस येशु स्वर्गम उठाक लैगिल रलह ।

प्रेरित १:१० पढी

हुँक एक टक लगाक आकासम येशु उप्पर उठाजाइट हेटीरहल् ब्याला उज्जर झुल्वा घाल्ल दुइठो मनै अकचोट्टे हुँकन्हकठे देखपर्ल ।

28. चलनवँ आघ ठह्याइल उज्जर लुगा लगाइल दुइजना मनै हूँक के रह ?

- हूँक परमेश्वरक दुइजना स्वर्गदूतहूँक रह ।

29. येशुक चेलाहूँकहिन लाग ऊ स्वर्गदूतहूँक का कल ?

प्रेरित १:११ पढी

ओ कल हेरो गालील क्षेत्रक मनै टुह काजे आकासम हेटीं अठे ठह्याल् बाटो । जसिक टुह येशुहन स्वर्गम उठाजाइट देख्लो ओसहेँक उहाँ घुम्क फेदोस अउइयाबाट ।

- स्वर्गदूतहूँक येशु पृथ्वीम घुम्क अउइयाबाट कल ।

30. जब येशु धरतिम फेर अउइयाबाट तब उहाँ का करहीं ?

31. के अब्ब येशु हम्हिन पाप मृत्यु ओ भुत्वाक शक्तिमासे छूटकारा देह आइल लागल रहल हो ?

- नि हो ।

32. काजे नि हो ?

- काजेकि येशु हम्हिन पाप मृत्यु ओ भुत्वाक शक्तिसे छूटकारा देहना काम पहिलसे ओरास्याकल रहल बाट ।

33. येशु हन प्रधान पुजेहवा तैं ख्रीष्ट हुइट्या कैक पुछल पाछ येशु देहलक जवाफ का टुहिन आमिनसम सम्झना बा ?

मर्कस १४:६१-६२ पढी

तर येशु चामचुम पलरल कुछु जवाफ नैदेल । प्रधान पुजेहवा उहाँह और प्रश्न पुछल का टैं परमेश्वरक छावा

मनैन मुक्ति दिहक लाग आइल खीषंट हुइट्या । येशु कल हुइटुँ नि का । मै मनैयक छावाहन सारा शक्ति रहल परमेश्वरक दाहिन पाँजर बैठल् देखबी तबदोस स्वर्गमसे बढीकसँग आइट् देखबी ।

- जब येशु यी धरतिमा फेर अउइयाबाट उ समयम उद्धारकर्ताक रूपमा नु हइट तर न्यायकर्ता रूपमा अउइयाबाट ।
- जब येशु यि धरतिम फेर अउइयाबाट उहाँहन उद्धारकर्ता कैक विश्वास नि कर्ना सककुजनक न्यायकर्ताक रूपमा अउइयाबाट ।
- जब येशु यि धरतिम फेर अउइयाबाट उ समयम उहाँ परमेश्वरहन विश्वास नि कर्ना हुँकर सककुहिन अनन्त आगिक तत्वामा फकैनाबाट ।